



Broj:52-1/31-3-268-2/22
Mostar, 25.05.2022.godine

PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM

n/r Tajnik/Sekretar

Bosna i Hercegovina
Federacija Bosna i Hercegovina
**PARLAMENT FEDERACIJE
SARAJEVO**

PREDMET: **Odgovor na zastupničko pitanje**
zastupnice Sanele Klarić, dostavlja se.-

Primljeno: 26-05-2022			
Org. jed.	Broj	Priloga	Vrijednost
05/1	- 02-	169	122

Veza: *Vaš akt broj:05/1-02-169/22 od 12.5.2022.g.*

Akt Vlade Federacije BiH broj:03-04-258-16/22 od 16.05.2022.godine

Dana 17.5.2022.godine zaprimili smo akt Zastupničkog doma FBiH broj:05/1-02-169/22 od 12.5.2022.godine, a dana 19.05. 2022.godine akt Vlade Federacije BiH broj:03-04-258-16/22 od 16.05.2022.godine, u prilogu kojih su nam radi davanja odgovora dostavljena zastupnička pitanja Sanele Klarić, zastupnice u Zastupničkom domu Parlamenta Federacije Bosne i Hercegovine. Shodno traženom dostavljamo odgovore na postavljena pitanja kako slijedi.

1. *Na osnovu kojih informacija, kada i ko je, utvrdio da je "postojala ozbiljna i neposredna opasnost od ometanja javne rasprave" na osnovu čega je javna rasprava o izgradnji mHE na Bunskim kanalima zatvorena za javnost?*

ODGOVOR:

Na početku naglašavamo da nikakva javna rasprava nije zatvorena za javnost. Postavljenim pitanjem poistovjećuju se dva zakonom jasno odvojena pravna instituta: „javna rasprava“ i „usmena rasprava“, a što je zakonodavac sasvim jasno odvojio. Poistovjećivanjem ova dva pojma dodatno se zbunjuje javnost što ni u kom slučaju ne doprinosi tomu da se javnost informira o predmetnoj stvari na ispravan način.

Što se tiče javne rasprave, Zakon o vodama je u članu 124. definisao način učešća javnosti u postupku izdavanja vodnih akata.

Slijedom navedene zakonske odredbe i članka 21. Pravilnika o sadržaju, obliku, uvjetima, načinu izdavanja i čuvanja vodnih akata („Sl. novine FBiH“ broj: 31/15,55/19,41/20), Agencija za vodno područje Jadranskog mora Mostar je, dana **28.4.2022.godine, objavila obavještenje o podnesenim zahtjevima za izdavanje prethodne vodne suglasnosti u „Večernjem listu“**, kao i na službenoj web stranici Agencije: www.jadran.ba, a kojim se pozivaju sve zainteresirane osobe da svoje eventualne primjedbe, prijedloge i sugestije, a vezano za predmetni zahtjev u pogledu predmeta zahtjeva shodno odredbama članka 111. stavak 1. Zakona o vodama i članka 5. stavak 1. i 2. Pravilnika o sadržaju, obliku, uvjetima, načinu izdavanja i čuvanja vodnih akata mogu dati usmeno na zapisnik u prostorijama Agencije ili dostaviti u pisanom obliku u roku od 15 dana od dana objavljivanja ove obavijesti u sredstvima javnog informiranja, neposredno ili putem pošte na adresu Agencije.

Takođe napominjemo da je identična obavijest navedena i u obrazloženju Zaključka kojim je javnost isključena iz usmene rasprave, a koji je takođe objavljen na web-stranici Agencije.

Napominjemo da je minimalni zakonski rok za ovo obavještenje 8 dana. Međutim, cijeneći da su u datom periodu prvomajski praznici i drugi blagdani, te da se radi o predmetu za koji postoji interesovanje javnosti, ostavila rok od 15 dana. Iz datog obavještenja je vidljivo da je **od 28.4.2022.g. do 13.5.2022.g. (svaki radni dan, od 8,00 do 16,00) svim zainteresiranim osobama omogućeno sudjelovanje u predmetnim postupcima (i pismeno i usmeno), razgledanje spisa predmeta i iznošenje eventualnih primjedbi i mišljenja.** Do momenta sačinjavanja ovog odgovora, svoje očitovanje dostavili su:

- Neformalna grupa građana Bune – Zaton bb, okupljena oko Inicijative „STOP izgradnji mHE na Buni
- Udruženje „Udruga sportskih ribolovaca NERETVA 1933“ Mostar.

Ukoliko je zastupnica pri postavljanju pitanja imala na umu usmenu raspravu koja je bila zakazana za dan 05.05.2022.godine u okviru upravnog postupka u konkretnoj upravnoj stvari i na osnovu člana 147. *Zakona o upravnom postupku* („Sl.novine FBiH“ broj:70/06), u obrazloženju Zaključka broj:UP/40-1/21-2-121/21 od 04.05.2022.godine su decidno navedeni razlozi zbog čega je javnost u konkretnom slučaju bila isključena sa usmene rasprave. Na usmenu raspravu su pozvana, pored predstavnika podnosioca zahtjeva, i sva druga lica koja su iskazala interes i zatražila da budu strankom u predmetnom postupku. Na usmenu raspravu, pored podnosioca zahtjeva bili su pozvani:

- Udruženje „RESURSNI AARHUS CENTAR U BiH“ Sarajevo;
- Fondacija „ATELJE ZA DRUŠTVENE PROMJENE ACT“ Sarajevo zastupana po punomoćniku Krčum Milenku, advokatu iz Mostara;
- Ekološka udruga „MAJSKI CVIJET – EFEMERIA DANICA“ Mostar zastupana po punomoćniku Krčum Milenku, advokatu iz Mostara;
- Neformalna grupa građana Bune – Zaton bb, okupljena oko Inicijative „STOP izgradnji mHE na Buni“
- Grad Mostar.

Razlozi zbog kojih je predmetna usmena rasprava bila zatvorena za javnost detaljno su navedeni u obrazloženju Zaključka kojim se isključuje javnost, a koji je također objavljen na web-stranici Agencije. Ovim putem ponavljamo da je Agencija na osnovu zakonom datih ovlaštenja iz člana 148. stav (2) *Zakona o upravnom postupku*, nakon javno upućenog poziva putem portala i društvenih mreža, svim građanima Mostara da dođu na zakazanu usmenu raspravu, osnovano procijenio da u takvim uslovima zakazanu usmenu raspravu fizički nije moguće održati, pri čemu se posebno imalo u vidu da je obavještenje o sudjelovanju javnosti objavljeno 28.04.2022.godine u sredstvima javnog informisanja, sa rokom sudjelovanja od 15 dana.

2. *Da li ovakvim postupanjem imate namjeru uvesti praksu za sve buduće javne rasprave ili očekujete da o istim niko nema pravo da se javno izjašnjava jer ćete vi to shvatiti kao opasnost?*

ODGOVOR:

Agencija za vodno područje Jadranskog mora Mostar u svim postupcima koji se vode po zahtjevima pravnih ili fizičkih lica ne postupa prema svojim namjerama i shvatanjima, kako se to postavljenim pitanjem insinuiira, već isključivo na osnovu zakona i podzakonskih akata i u okviru zakonom datih ovlaštenja. O omogućavanju prava na izjašnjenje svih lica odgovor je dat u naprijed navedenom tekstu i smatramo da daljnja obrazloženja nisu potrebna, osim ponovne napomene da je zakonodavac (Parlament Federacije BiH) jasno razdvojio i decidno propisao šta se smatra pod javnom raspravom a šta pod usmenom raspravom u okviru upravnog postupka.

Dostaviti:

1. Naslovu
2. Vlada FBiH
3. a/a

